

神道大編歷宗通儀

神道大編曆宗通議卷第八

大衍議下

日經盈縮略例曰北齊張子信積候合創加時
覺日行有入氣差然損益未得其正至劉焯立
盈縮經寒術與四象升降麟德曆因之更名躔
差凡陰陽往來皆馴積而變日南至其行最急
急而漸損至春分及中而後遲迨日北至其行
最舒而漸益之以至秋分又及中而後益急急

極而寒若舒極而燠若及中而雨暘之氣交自
然之數也焯術於春分前一日最急後一日最
舒秋分前一日最舒後一日最急舒急同於二
至而中間一日平行其說非是當以二十四氣
晷景考日躔盈而審於加時

九道議曰洪範傳云日有中道月有九行中道
謂黃道也九行者青道二出黃道東朱道二出
黃道南白道二出黃道西黑道出黃道北立春

春分月東從青道立夏夏至月南從朱道立秋
秋分月西從白道立冬冬至月北從黑道漢史
官舊事九道術廢劉洪頗採以著遲疾陰陽曆
然本以消息為奇而術不傳推陰陽曆交在冬
至夏至則月在青道白道所交則同而出入之
行異故青道至春分之宿及其所衝皆在黃道
正東白道至秋分之宿及其所衝皆在黃道正
西若陽陰曆交在立春立秋則月備朱道黑道

所交則同而出入之行異故朱道至立夏之宿
及其所衝皆在黃道西南黑道至立冬之宿及
其所衝皆在黃道東北若陰陽曆交在春分秋
分之宿則月行朱道黑道所交則同而出入之
行異故朱道至夏至之宿及其所衝皆在黃道
正南黑道至冬至之宿及其所衝皆在黃道正
北若陰陽曆交在立夏立冬則月循青道白道
所交則同而出入之行異故青道至立春之宿

及其所冲皆在黃道東南白道至立秋之宿及
其所衝皆在黃道西北其大紀皆兼二道而定
分主八節合於四正四維按陰陽曆中終之所
交則月行當黃道去交七日其行九十一度齊
於一象之率而得八行之中與中道而九是謂
九道凡八行正於春秋其去黃道六度則交在
冬夏正於冬夏其去黃道六度則交在春秋易
九六七八迭為終始之象也乾坤定位則八行

各當其正及其寒暑相推晦朔相易則在南者
變而居北在東者徙而為西屈伸消息之象也
黃道之差始自春分秋分赤道所交前後各五
度為限初限黃道增多赤道二十四分之十二
每限損一極九限數終于四率赤道四十五度
而黃道四十八度至四立之際一度少強依平
後從四起初限五度赤道增多黃道二十四分
之四每限益一極九限而止終于十二率赤道

四十五度而黃道四十二度後得冬至夏至之中
矣月道之差始自交初交中黃道所交亦距交
前後五度為限初限月道增多黃道四十八分
之十二每限損一極九限而止數終于四率黃
道四十五度而月道四十六度半乃一度強依
平復從四起初限五度月道差少黃道四十八
分之四每限益一極九限而止終於十二率黃
道四十五度而月道四十三度半至陰陽曆二

交之半矣凡近交初限增十二分者至半交末
限減十二分去交四十六度得損益之平率夫
日行與歲差偕遷月行隨交限而變趣伏相消
朏朧相補則九道之數可知矣其月道所交與
二分同度則赤道黑道近交初限黃道增二十
四分之十二月道增四十八分之十二至半交
之末其減亦如之故於九限之際黃道差三度
月道差一度半蓋損益之數齊也若所交與四

立同度則黃道在損益之中月道差四十八分
之十二月道至損益之中黃道差二十四分之
十二於九限之際黃道差三度月道差四分度
之三皆朧胸相補也若所交與二至同度則青
道白道近交初限黃道減二十四分之十二月
道增四十八分之十二至半交之末黃道增二
十四分之十二月道減四十八分之十二於九
限之際黃道與月道差同蓋遞伏相消也日出

入赤道二十四度月出入黃道六度相距則四
分之一故於九道之變以四立為中交在二分
增四分之一而與黃道度相半在二至減四分
之一而與黃道度正均故推極其數引而伸之
每氣移一候月道所差增損九分之一七十二
候而九道究矣凡月交一終退前所交一度及
餘八萬九千七百七十三分度之四萬二千五
三少半積二百二十一月及分七千七百五十

三而交道周天矣因而半之將九年而九道終
以四象考之各據合朔所交入七十二候則其
八道之行也以朔交為交初望交為交中若交
初在冬至初候而入陰曆則行青道又十三日
七十六分日之四十六至交中得所冲之宿變
入陽曆亦行青道若交初入陽曆則白道也故
考交初所入而周天之度可知若望交在冬至
初候則減十三日四十六分視大暈初候陰陽

曆而正其行也。晷漏中星略例曰：日行有南北，晷漏有長短。然二十四氣晷差徐疾不同者，勾股使然也。直規中則差遲，與勾股數齊則差急。隨辰極高下所遇不同，如黃道刻漏，此乃數之淺者。近代且猶未曉，今推黃道去極與晷影漏刻昏距中星四術，反覆相求，消息相率，旋相為中以合九服之變。

日蝕議曰：小雅十月之交，朔日辛卯，虞剋以曆。

推之在幽王六年開元曆定交分四萬三千四
百二十九入蝕限加時在晝交會而蝕數之常
也詩云彼月而食則維其常此日而食云何不
減日君道也無朏魄之變月臣道也遠日益明
近日益虧望與日執相會則從而浸遠遠極又
從而近交所以著人臣之象也望而正於黃道
是謂臣墮君明則陽為之蝕矣且十月之交于
曆當蝕君子猶以為變詩人悼之然則古之太

平日不蝕星不孛蓋有之矣若過至末分月或
變行而避之或五星潛在目下禦侮而救之或
涉交數淺或在陽曆陽盛陰微則不蝕或德之
休明而有小青焉則天為之隱雖交而不蝕此
四者皆德教之所由生也四序之中分同道至
相過交而有蝕則天道之常如劉歆賈逵皆近
古大儒豈不知軌道所交朔望同術哉以日蝕
非常故闕而不論黃初己來治曆者始課日蝕

疎密及張子信而益詳劉焯張胄玄之徒自負其術謂日月皆可以密率求是專於曆紀者也以戊寅麟德曆推春秋日蝕大最皆入蝕限於曆應蝕而春秋不書尚多則日蝕必在交限其入限者不必盡蝕開元十二年七月戊午朔於曆當蝕半彊自交趾至於朔方候之不蝕十三年十二月庚戌朔於曆當蝕大半時東封泰山還次梁宋間皇帝徹膳不舉樂不蓋素服日亦

不蝕時群臣與八荒君長之來助祭者降物以
需不可勝數皆奉壽稱慶肅然神服雖美術乖
舛不冝如此然後知德之動天不俟終日矣若
因開元二蝕曲變交限而從之則差者益多自
開元治曆史官每歲較節烝中畧因檢加時小
餘雖大數有常亦與時推移每歲不等畧受而
長則日行黃道南畧變而短則日行黃道北行
而南則曆陰之交也或失行而北則陽曆之交

也或失日在黃道之中且猶有變況月行九道
乎杜預云日月動物雖行度有大量不能不小
有盈縮故有雖交會而不蝕者或有頻交而蝕
者是也故較曆必稽古史虧蝕深淺加時朏朧
陰陽其數相叶者反覆相求由曆數之中以合
辰象之變觀辰象之變及求曆數之中類其所
同而中可知矣辨其所異而變可知矣其循度
則合於曆失行則合於占占道順成常執中以

追變曆道逆數帝執中以俟變如此之說者天
道如視諸掌畧例曰舊曆攷日蝕淺深皆自張
子信所傳云積候所得而未曉其然也以圖儀
度日月之徑乃以月徑之半減入交初限一度
半餘為閭虛半徑以月去黃道每度差數令二
徑相掩以驗蝕分以所入日遲疾乘徑為泛所
用刻數大率去交不及三度即月行沒在閭虛
皆入既限又半日月之徑減春分入交初限相

去度數餘為斜射所差乃攷差數以立既限而
後游進退於二度中間亦令二徑相掩以至日
蝕分數月徑踰既限之兩則雖在陰曆而所虧
類同外道斜望使然也既限之外應向外蝕外
道交分准用此例以較古今日蝕四十三事月
蝕九十九事課皆第一使日蝕皆不可以常數
求則無以稽曆數之疎密若皆可以常數求則
無以政教之休咎今更設考日蝕或限術得常

則合於數又日月交會大小相若而月在日下
自京師斜射而望之假中國食既則南方戴日
之下所虧纔半月外反觀則交而不蝕步九
服日晷以定蝕分晨昏漏刻與地偕變則宇宙
雖廣可以一術齊之矣

五星議曰歲星自商周迄春秋之季率百二十
餘年而超一次戰國後其行寢急至漢尚微差
及哀平間餘勢乃盡更八十四年而超一次因

以為常此其典餘星異也姬氏出自靈威仰之
精受木行正氣歲星主農祥后稷平焉故周人
常閱其機祥而觀善敗其始王也次於鷄火以
達天竈及其衰也淫於玄枵以害鳥帑其後群
雄力爭禮樂隕壞而從衡攻守之術興故歲常
羸行於上而侯王不寧於下則木緯失行之勢
且極於火運之中理數然也開元十二年正月
庚午歲星在進賢東北尺三寸直軫十二度於

麟德曆在軫十五度推而行之至漢和平二年
其十月下旬歲星在軒轅南端大星西北天所
麟德曆在張二度直軒轅大星上下相距七百
五十年考其行度犹未甚盈縮則哀平後不復
每歲漸差也又上自百二十年至孝景中元三年
五月星在東井越麟德曆在參三度又上六十
年後漢元年十月五星聚于東井從歲星也於
秦正歲在一未夏正當在甲午麟德曆白露八

日歲星留背觜一度明年立夏伏於參由差行
未盡而以常數求之使然也又上二百七十一
年至哀公十七年歲在鶉火麟德曆初見在興
鬼二度立冬九日留星三度明年隆蟄十日退
至柳五度猶不及鶉火又上七十八年至僖公
五年歲星當在大火麟德曆初見在張八度明
年伏於翼十六度定在鶉火差三次矣哀公以
後歲行漸遲相去猶近哀公以前率嘗行遲而

舊曆犹用急率不知今變故所差彌多武王革
命歲星亦在大火而麟德曆在東壁三度則唐
虞已上所差周天矣太初三統曆歲星十二周
天超一次推商周間事大抵皆合驗開元注記
差九十餘蓋不知歲星後率故也皇極麟德曆
七周天超一次以推漢魏間事尚未差上驗春
秋所載亦差九十餘度蓋不知歲星前率故也
天保天和曆得二率之中故上合於春秋下犹

密於記注以推永平黃初間事遠者或差三十
餘度蓋不知戰國後差星變行故也自漢元始
四年距開元十二年凡十二甲子上距隱公六
年亦十二甲子而二曆相合於其中或差三次
於古或差三次於今其兩合於古今者中間亦
乖歆一術以求之則不可得也開元曆歲星前
率三百九十八日餘二千二百一十九秒九十
三自哀公二十年丙寅後每加度餘一分盡四

百三十九合次合乃加秋十三而止凡三百九十八日餘二十六百五十九秋六而與日合是為歲星後率自此因以為常入漢元始六年也歲星差合術日置哀公二十年冬至合餘加八差已來中積分以前率約之為入差合數不盡者如曆術入之反求冬至後合日乃副列入差合數增下位一算乘而半之盈大衍通法為日不盡為日餘以加合日即差合所在也求歲星

差行經術以後終率約上元以來中積分亦得
所求若稽其寔行常後元始六年置差步之則
前後相距間不容髮而上元之首無忽微空積
矣成湯伐桀歲在壬戌開元曆星與日合於角
次於氐十度而後退行其明年湯始建國為元
祀順行與日合於房所以紀商人之命也後六
百一十歲至紂六祀周文王初禘於畢十三祀歲
在己卯星在鶉火武王嗣位克商之年進及與

鬼而退守東井明年周始革命順行與日合於
柳進留於張考其分野則分峽之間與三監封
域之際也成王三年歲在丙午星在大火唐叔
始封故國語曰晉之始封歲在大火春秋傳僖
公五年歲在大火晉公子重耳自蒲奔狄十六
年歲在壽星遠齊過衛野人與之塊子犯曰天
賜也天事必象歲及鶉火必有此乎復於壽星
必獲諸侯二十三年歲星在胃昴秦伯納晉文

公董因曰歲在大梁將集天行元年實沈之星
晉人是居君之行也歲在大火閼伯之星也是
謂大辰辰以善成后稷是相唐叔以封具以辰
出而以參入皆晉祥也二十七年歲在鶉火晉
侯伐衛取五鹿敗楚師於城濮始獲諸侯歲遠
及壽星皆與開元曆合襄公十八年歲星在陴
陴訾之口開元曆大寒三日星與日合在危三
度遂順行至營室八度其明年鄭子僑卒將葬

今孫子羽與裨竈晨會事焉過伯有氏其門上
生莠子羽曰其莠猶在乎於是歲在降婁中而
暘裨竈指之曰猶可以終歲；不及此次也開
元曆歲星在奎奎降婁也麟德曆在危危玄枵
也二十八年春無冰梓順曰歲在星紀而淫於
玄枵裨竈曰歲棄其次而旅於明年之次以害
鳥帑周楚惡之開元曆歲星在南斗十七度而
退守西建間復順行與日合於牛初應在星紀

而盈行進及虛宿故曰淫留玄枵二年至三十年開元曆歲星順行至營室十度留距子倫之卒一終矣其年八月鄭人殺良霄故曰及其亡也歲在陬訾之口其明年乃及降婁昭公八年十一月楚滅陳史趙曰未也陳顓頊之族也歲在鶉火是以卒滅今在析木之津猶將復由開元曆在其八度析木津也十年春進及婺女初在玄枵之維首傳曰五月有星出於婺女裨灶

曰今茲歲在顓頊之墟是歲與日合於危其明年進及營室復得承常之次景王問萇弘曰今茲諸侯何寔吉何寔凶對曰蔡凶此蔡侯般殺其君之歲歲在承常弗過此矣楚將有之歲及大梁蔡復楚凶至十三年歲星在昴畢而楚弑靈王陳蔡復封初昭公九年陳灾裨灶曰後五年陳將復封歲五及鶉火而後陳卒亡有陳灾五年而歲在大梁陳復建國哀公十七年五及

鶉火而楚滅陳是年歲星與日合在張六度昭
公三十一年夏吳伐越始用師於越也史墨曰
越得歲而吳伐之必受其害是歲星與日合於
南斗三度昔僖公六年歲陰在卯星在析木昭
公三十二年亦歲陰在卯而在星紀故三統曆
因以為起次之率考其實猶百二十餘年近代
諸曆欲以八十四年齊之此其所惑也後三十
八年而越滅吳星三及斗牛已入差合二年矣

夫五事感於中而五行之祥應於下五緯之變彰於上若聲發而響和形動而影隨故王者失典刑之正則星辰為之亂行汨彛倫之序則天事為之無象當其亂行無象又可以曆紀齊乎故襄公二十八年歲在星紀淫於玄枵至三十年八月始及取訾之口超次而前二年守之漢元鼎中太白入於天苑失行在黃道南三十餘度間歲武帝北巡狩登單于臺勒兵十八萬騎

及誅大宛馬大死軍中晉咸寧四年九月太白
當見不見占曰是為失舍不有破軍必有亡國
時將伐吳明年三月兵出太白始夕見西方而
吳亡永寧元年正月至閏月五星經天縱橫無
常永興二年四月內子太白犯狼星失行在黃
道南四十餘度永嘉三年正月庚子彗熾犯紫
微皆天變所未有也終以二帝蒙塵天下大亂
後魏神瑞二年十二月彗熾在轸星中一夕

忽亡不知所在崔浩以日辰推之曰庚午之夕
辛未之朝天有陰雲蒙蔽之亡在此二日庚午
辛未皆至秦辛為西夷今姚興據咸陽是蒙蔽
入秦矣其後熒惑果出東井留守盤旋秦中大
旱赤地昆明水竭明年姚興死二子交兵三年
國滅齊永明九年八月十四日火星應退在昴
三度先曆在畢二十一日始逆行北轉垂及立
冬形色弥盛魏永平四年八月癸未熒惑在氐

夕伏西方亦先期五十餘日雖時曆踈濶不宜
若此隋大業九年五月丁丑災或逆行入南斗
色赤如血大如三斗器光芒震耀長七八尺於
斗中句而行亦天變所未有也後楊玄感反天
下大亂故五星留逆伏見之效表裏盈縮之行
皆係之於時而象之於政政小失則小變事微
而象微事章而象章已示吉凶之象則又變行
襲其常度不然則皇天何以陰騭下民警悟人

主人哉近代笑者昧於象占者迷於數觀五星
失行皆謂之曆舛錯七曜循執或謂之天灾
終以數象相參兩喪其寔故較曆必稽古今注
記入氣均而行度齊上下相距反覆相求苟獨
異於常則失行可知矣凡二星相近多為之失
行三星以上失度彌甚天竺曆以九執之情皆
有所好惡過其所好之星則趨之行疾拾之行
遲張子信曆辰星應見不見術晨夕去目前後

四十六度內十八度外有水火土金一星者見
無則不見張胄玄曆朔望在交限有星伏在日
下水土去見十日外火去見四十日外金去見
二十二日外者並不加減差皆精悉相感使然
夫日月所以著尊卑不易之象五星所以示政
教從時之義故日月之失行也微而少五星之
失行也著而多今略考常數以課踈密略例曰
其入氣加減亦是張子信始後人莫不遵用之

原始要終多有不叶今較麟德曆熒惑太白見
伏行度過與不及熒惑凡四十八事太白二十
一事餘星所差蓋細不足攷且盈縮之行宜與
四象潛合而二十四氣加減不均更推易數而
正之又各立歲差以究五精運周二十八舍之
變較史官所記歲星二十七事熒惑二十八事
鎮星二十一事太白二十二事辰星二十四事
開元曆課皆第一云

以大衍起數者自伏羲始以大衍名曆者自一行始夫衍者衍天地之數也一行倚大衍之數立推步之法是一行求合于大衍非大衍合一行之數也大衍之數無窮倚此立法庶有所擬亦猶太初以律起曆之意也是一行大衍以易起數勾稽微秒分積毫厘盖有得於伏羲之遺畫安可以踈濫一行哉其曆本議曰天數五地數五五位相得而各有合所以成變化而行鬼

神也此易繫之爻一行舉以為議曆之本蓋其
意所主在乎五位相得而各有合之一言是以
推而廣之無往而不合也歐陽志曰曆起於數
者自然之用也其用無窮而無所不通以之於
律於易皆可合也是亦一行之意歟雖狀一行
亦豈能外諸曆家之法而獨推大衍以為法歟
諸曆雖不倚大衍以立法而其中亦有與大衍
暗合者矣一行曰天數始於一地數始於二皆

即易繫天一地二之說諸曆之所同用也所謂
天数中於五地數中於六為二中此即班志五
六者天地之中合之說也所謂天數終於九地
數終於十為二終此即班志十九年為一章歲合
天地終數得閏法之說也所謂天有五音所以
司日地有六律所以司辰此即楊子雲聲生於
日律生於辰之說也此其與諸家之說同者如
是也自一而降為五行生數自六以往為五行

成數一六而退極五十而增極中極居五六之間故六退極五增極也一六為爻位之統五十為大衍之母大衍之數五十或者以為五為十者一生而六成之一與六合所以為爻位之統五生而十成之五與十合所以五與十為大衍之母也又曰五至十則六七八九在其中矣六衍之數五十而六為老陰七為少陽八為少陰九為老陽皆自五十之數之演也故曰五十為

大衍之母也自一至六則二三四五在其中間
即六爻之數也故曰一六為爻位之統也生數
一二三四五共得十五成數六七八九十共得
四十以成數乘生數以四十乘十五則是四十
箇十五共得六百為天中之積以生數乘成數
以十五乘四十亦得六百為地中之積合千有
二百以五十約之則四象周六爻也千二百之
數五十箇二十四也四六二十四四象周六爻

也以二十四約之則太極包四十九用也十二
百之數亦得二十四箇五十也虛一不用太極
包四十九用也綜生數約中積皆十五成數四
十四十箇十五則得中積六百故曰成數約中
積者十五綜成數約中積皆四十生數十五十
五箇四十亦得中積六百故曰生數約中積四
十也十五四十乘六百之數可也復約之而歸
於十五四十亦可也兼而推天地之數以五位

取之復得二中之合也四十與十五即五十五
天数二十五地數三十天地之數五十有五與
天地合也天之中數五地之中數六也五五二
十五五六三十共成五十有五故曰以五位取
之復得二中之合也著數之變九六各一乾坤
之象也乾為九九老陽坤為六六老陰各居其
一也七八各三六子之象也七為少陽震長男
坎中男艮少男九三少陽也八為少陰巽長女

離中女先少女凡三少陽也故爻象通乎六十
策數行乎四百四十是以大衍為天地之樞如
環之無端此一行取以為起曆之法也雖然大
衍起數亦不專於易也其候卦則本乎月令之
十二候之卦也月卦則本孟氏章句十二卦主
十二月後遇之數也歲差則本於虞喜定朔則
本乎劉孝孫傳仁均九道則本於張子信日食
檢衡則本於姜岌演紀之端日在虛一度得於

堯之甲子更積法曰漢法受日法曰通法改周
天曰乾寔此又一行受諸曆之術以從大衍之
數也一行亦豈拘於數者蓋積黍之法可行而
黍之大小則不可積斷竹之制可做而孔之厚
薄則不可均按尺之說可驗而尺之長短則不
可證孰若以無形而御有形以不物而制有物
此大衍曆起於易所以為後世之精密者歟
一年二十四氣一氣有三候初中末是也立春

正月節也東風解凍蟄蟲始振魚上冰此立春
節氣之三候也雨水正月中也獺祭魚鴻鴈來
草木萌動此雨水中炁之三候也周二十四氣
則七十二候備矣一行曰七十二候原乎周公
時訓月令雖頗有增蓋然先後之次第則同自
魏以來始載于曆皆依易執所傳不合經義今
改從古唐一行訖李淳風專用呂氏春秋今取
月令七十二候之說分配七十二卦則月令未

可全非也卦止於六十四而坎離震兌居四正
宮分主四時此四卦每卦六爻四六二十四每
爻當一氣故此四卦分主四時而不專主於一
候也其餘六十卦則五卦生六候者中氣之末
節炁之初共一卦主之其餘四候各一卦也如
中氣初候卦為公中候卦為辟末候卦為候節
氣初候卦亦為候中候卦為大夫末候卦則為
卿也五卦主六候六十卦主七十二候也夫坎

離震兌且不專主於一候而乾坤二卦何以各
主一候耶蓋六十卦之中所謂辟者君也君主
十二月中氣也子復丑臨寅泰卯大壯辰夬巳
乾午姤未遯申否酉觀戌剥亥坤此十二卦十
二月中氣故乾坤居巳亥之位也以十二卦分
配十二月孟氏章句也乾六爻俱為陽一陽生
於子而極于巳為六陽故乾居巳位坤六爻俱
為陰一陰生於午而極于亥為六陰故坤居亥

位也一陽生為復二陽生為臨三陽生為泰四
陽生為大壯五陽生為夬六陽為乾乾之所生
凡五卦也一陰生為姤二陰生為遯三陰為否
四陰為觀五陰為剝六陰為坤坤之所生凡五
卦也乾坤雖分主乎一候而十二中氣皆乾坤
之所生也不特此也六十卦可以配十二候一
卦六爻常一日六六三十六以之分配三百六
十日可也京房推六十四卦直日悉是道也

太初曆謂冬至日在牽牛初東漢賈逵已論其
踈矣一行謂黃道春分與赤道交奎五度多秋
分與赤道交於軫十四度少南至斗十度北至
井十三度此擬開元甲子而云日至所存古今
不同矣宋崇天曆度曆甲申冬至日在斗五度
以歲差之法推而上之自度曆甲申去唐開元
甲子凡三百二十一年日差五度故唐志開元
甲子日在赤道斗十度自開元甲子至漢太初

元年丁丑凡八百二十七年日差十度故唐志
云太初元年冬至日斗二十度其太初曆云日
在牽牛初為術疎矣自太初丁丑去秦莊襄王
元年一百四十五年日差二度冬至日當在斗
二十二度故月令云日在斗自秦莊王元年去
堯之甲子凡二千二十八年日差二十六度冬
至日當在虛一度日沒而昴故堯典云日短星
昴是也自漢以來迄於晉唐皆以日在斗牛互

為膠柱之說雖曆家亦不悟其非也

月道陽曆陰曆班志曰陽曆者先朔而月生陰曆後朔而月生夫朔而後月生所謂哉生明月之三日為朏是也先朔之月為晦今而曰月生蓋太初用朔而未用定朔也按鄧平苛法一月之日止於二十九日半強是一月猶餘半日弱也其曰先朔月生後朔月生此必半日之間合朔有遲速故月生有先後藉之以曆明之曰陽

曰陰也一行謂日道表為陽曆其裏為陰曆此以日道為主而配驗月道之支有表有裏故曆之名曰陽曰陰也一行九道議曰陰陽曆交或在四立或在分至所交並同而出入之行異蓋九道者月道也青道二朱道二白道二黑道二八行兼黃道而為九也曰陰陽曆交者月道自裏而交於日道之表或自表而交於日道之裏故曰陰陽曆交也曰所交則同而出入之行異

者以月道交日道春分與秋分同冬至與夏至
同其於四立也亦狀特其所以不同者黃道居
中月道或出其東而入其西或入其北而出其
南所謂東交於角西交於奎是也九歲而一終
謂之九道百七年而小終八十一章而九終口
也

一行謂月在日下自京師斜而望之則食之既
自南方戴目之下望之則所虧總半又云日外

反觀則交而不食果如一行所測則日雖食而
寔未嘗食矣豈日道月道交執之際日上月下
陽氣微陰氣盛日形為月形所蔽自下望之似
食而非食也夫日食以陰盛月食以星孛今一
行謂月望而正於黃道則猶臣干君明故陽食
之是月為日所食也而非由星孛也又開元二
年日食不驗姚崇請書之史冊其後開元九年
太史奏麟德曆疎日食屢不效是年詔一行改

造新曆十五年而草成十七年而頒行又按一行論開元十二年七月十三年二月日食於曆當食而不食是尚以麟德曆舊驗而新曆猶未成也然日月之蝕于君之德舊曆日食屢不效矣乃曆疎之故也一行乃云德之動天不俟終日或謂一行謾言未免復蹈姚崇之武矣古以牽牛上星為距太初改為中星故洪範傳日在牽牛一度劉炫依大明曆四十五年日差

一度則冬至日在虛危而夏至火已過中興日
永星火之說不合矣梁武帝據虞創曆百八十
六年差一度則唐虞之際日在斗牛間而冬至
昴尚未中興日短星昴之說不合矣王孝通謂
歲差若自昴至壁隔二宿也則堯前七千餘年
冬至日不在斗建而在東井不應寒暑易其位
也李淳風謂古曆冬至皆起建星今測建星正
在斗十三四度一行以淳風麟德曆較之太初

永平百年間氣當後二日半朔當後天半日烏
得謂之無差也呂不韋春秋月令謂黃帝仲春
乙卯日在奎至今三千餘年而春分亦在奎一
行謂月令若可為正則立春正在營室五度薄
風安得類類移在啓蟄之節耶觀諸家之言並
不取歲差之說而一行皆非之

神道大編論曆全書卷第八終

神道大編曆宗通議卷第九

五代七曆叙

五代之初因唐之故用宗玄曆晉高祖時司天監為重績始更造調元曆不復推古上元甲子冬至七曜乃會起唐天寶十四載乙未為上元用正月雨水為氣首初唐建中時曹士為始變古法以顯慶五年為上元雨水為氣首號符天曆世謂之小曆祇行於民間重績乃用以為法

行之五年輒差復用崇玄曆周廣順中國子博
士王虔訥私撰明玄曆於家民間所行又有萬
分曆其法皆不足紀蜀有永昌曆正象曆南唐
有齊政曆皆止用於其國今亦亡不復見矣至
周世宗即位詔端明殿學士王朴撰定歲時以
為欽天曆昔在帝堯欽若昊天陛下考曆象日
月星辰唐堯之道也世宗詔司天監用之以明
年正月朔旦為始

欽天議

王朴奏曰臣聞聖人之作在乎知天之變人情
之動可以言知之天道之變當以數知之教之
焉用聖人以之現天道爲歲月日時由斯而成
陰陽寒暑由斯而節四方之政由斯而行夫爲
國家者履端立極必祿其元布政考績必因具
歲禮動樂奉必正其朔三農百工必順其時五
行九伐必順其氣庶務百爲必從其日月是以

聖人受命必治曆數故五紀有常度庶幾有常
應正朔符之于天下也自唐之季凡曆數朝訛
日失天官時百執天之應數汨湮而已陛下寅
畏上天振奉隆典臣雖非祿者敢不奉詔乃包
萬象以爲法齊七政以三元開圭箭以俟氣審
執軸以定朔明九道以步月校遲疾以推星考
廣道之鮮正辯天勢之昇降而文雅詳焉夫立
天之道曰陰陽陰陽各有數合則化或失陽

之策三十六陰之策二十四奇偶相命兩陽三
陰同得七十二同則陰陽之數合七十二者化
成之數也化成則謂之五行之數五行之得春
數過之者謂之氣盈不及者謂之氣虛至於應
亥分用無所不通故以七十二為從法從者常
用之法也百者數之節也隨法進退不失舊位
故謂之通法以通法進從法得七十二百謂之
統法自元入經先用此法統曆之諸法也以通

法進統法得七十二萬氣朔之下收分必盡謂
之全率以通法進全率得七千二百萬謂之大
率而元紀生焉元者歲日月時皆甲子日月五
星合在子當盈縮先後之中所謂七政齊天古
者極主於陽域以其近洛也蓋尚懷其中乃在
洛之東偏開元十二年遣使天下候影南距林
邑北距橫野中得後得之岳臺應內北然居地
之中數畧漏止則日之所至氣之所應得之矣

日月皆有盈縮日盈月縮則後中而朔月盈日
縮則先中而縮自古朧朧之法率皆平行之數
入曆既有前次而又來稍不倫皇極舊測則迂
迴而數用降及諸曆則踈遠而多失今以月離
朧朧隨曆校定日經朧朧臨用加減所得者入
離定日也一日之中分為九段每限損益來稍
有倫朧朧之法可謂審矣赤道者天之弦帶也
其勢圓而平紀宿度之常數為黃道者日軌也

其半在赤道則半在赤道外去極廿四度當與赤道近則其勢斜當與赤道遠則其勢直當斜則日行宜遲當直則日行宜速故二分前後加其度二至前後減其度九道者月軌也其半在黃道內半在黃道外相去極遠不過六度出黃道謂之止交入黃道謂之中交若止交在秋分之宿中交在春分之宿則比黃道宜斜若止交在春分之宿中交在秋分之宿則比黃道宜直

若正交中交在二至之宿則其勢差斜故校去
二至二分遠近以考斜正乃得加減之數自古
雖有九道之說蓋亦知而未詳徒有祖述之文
而無推步之用今以黃道一周分爲八節一節
之中分爲九道盡七十二道而使日月無所隨
其斜長之勢爲九道之法可謂明矣星之行也
近日而疾遠日而遲去日極遠將尽而各自有
諸宿分段失實隆降無準今日行分尚多次日

便面自右而過惟用平行仍以八段行度爲八
曆之數皆非本理遂至辛辰今校逐日行分積
以爲交段然後自疾而漸進勢盡而爲自爲而
行亦積微而後多別立堵段交曆以推交差禡
諸段交差際會相合星之遲疾可得而知之矣
自古相傳皆謂去交十五度以下則日月有餘
殊不知日月之相掩與閏度之所射其理有異
今以日月經度之大小校去交之遠近以黃道

之斜正天勢之昇降度仰視旁視之分數則交
虧得其實矣臣考前世無食神育尾之交近自
司天卜祝小術不能本其大体遂為舛接之法
蓋從段用以求徑復於是交有逆行之數後學
者不能詳知因言曆有九曜以為注曆之常式
今至荆而去之雖著作佐郎劉義叟曰前世造
曆者其法不同而多差至唐一行始以天地之
中數作大衍曆最為精密後世善治曆者皆用

其法惟寫分擬數而已至朴亦自能為一家朴
之曆法提日雖差為通縮二曆分月雖為遺疾
二百四十八限以考衰殺之漸以審臆胸而朔
望正矣校赤道九限更其率數以步黃道使日
躡有常度分黃道八節辨其內外以揆九道使
月行如循環而二曜協天觀天勢之升降察地
道之斜正以制食差而交會密矣測岳量之中
畧以辯二至之日夜而執漏實矣推星計之逆

順伏留候舒至有漸而五緯齊矣然不能宏澤
簡易而徑急是取至其所以長雖圣人出不能廢
也

兩宋十七曆敘

宋在東都曆凡八改太祖代用行王處訥之應
天曆後以置閏有差太祖用王素更造乾元曆
至真宗時以朔望有差改爲儀天曆至仁宗時
以星曜有差天聖二年用劉義叟改爲崇天曆
至皇祐四年十一月日食二曆不效詔以唐八
曆及宋四曆參定皆以景福寺家遂改改作刊
義叟謂崇天曆須行逾三年所差無幾可偁

緣天象輕議改易人謂古聖人曆象之意正以
敬授人時雖則預考文會不必昭合辰刻或有
遲速未必徇是曆差迺復用崇天曆至嘉祐之
末真宗即位命判司天監周琮等更曆琮言崇
天曆差每加時後天半日五星之行差半次日
食之候差十刻司天中官正舒為簡等更陳家
學詔學士范鎮等考定是非上推尚書辰弗集
於房與春秋之日食參今曆之所候步簡疎濶

琮曆為客詔平二年改用周琮明天曆後三年
驗興寧三年七月日食不效延詔後宋天曆熙
寧八年神宗用沈括更月奉元曆沈括實主其
議明年正月日食不效詔問修曆擬恩者名姓
括具奏辯得不廢議者謂括強辯不許其深於
曆也然後知義叟之言然哲宗用皇后知更造
觀天曆至徽宗時以冬至有差崇寧五年用姚
舜輔改為紀元曆南渡之後曆凡凡改高宗紹

與一年以紀元曆亡章時得之語輔臣曰曆官
推步不精今曆差一日近得紀元曆自明年當
改正協時月正日是歲始議製渾議五年日官
言正月朔旦日食九分半虧在辰正常州布衣
陳得一言當食八分半虧在己初其日得一辛
驗侍御史張致遠言得一言皆有據忠筆者不
能通消息盈虛之與進退遷疾之分致主利有
訛凡定朔小餘七十五百以上者連一日紹興

四年十二月小餘七千六百八十太史不進故
十一月小盡今年五月小餘七千一百八十少
三百二十乃為進向之先猶薄則其日不啻為
望也知晦望之差則朔之差明矣必使氣之與
朔無毫髮之差始可演造新曆什禮部議各具
先見指定太陰新食分數方面辰刻定驗折衷
詔師魯從司鑑之劉孝崇差一點皇曆維明
差二點楊忠嗣差三點延造龍之用陳得一更

造統元曆孝宗乾道四年禮部員外郎李燾言
統元曆行之既久與天下不合國宣大衍曆最
號精微用之亦不過三十餘年後之欲行造也
難矣抑曆未差無以知其失未驗無以知其是
以定廢之是用劉孝宗更造乾道曆假以日食
有差又改淳熙曆紹熙元年八月更造會元曆
寧宗慶元四年以會元曆驗氣後天占候多天
日官革澤立有月異詔禮部侍郎胡統宗臣楊

忠輔更曆五年曆成賜名統天頒之進曆未几
而推測日食已不驗理宗間禧三年用鮑澣之
更造開禧曆李德珪造淳祐曆諱王造會天曆
陳鼎造成天曆丙宋之曆凡十七家時推蓋史
曆學為宋第一豈如同琮如蔡鞏之有所創為

明天氣

周琮曰造曆之法必先立元元正然後定日法
日法定然後度天以定分至三者有程則曆可

成矣日者發爲度之度者積分成之蓋日月始
建初行生分積分成日自四分曆洎古之六曆
皆以九百四十爲日法率由日行一度經三百
六十五日四分之一是爲周天月行十三度十
九分之七經二十九日有餘與日相會是爲朔
策史官當會集日月之行以求合朔自漢太初
至于今冬至差十日如劉歆三統復損於古故
先儒謂之最弊後漢劉洪考證四分於天不合

乃減弱餘司合時用自是已率意加減以造

日法宋世何承天更以四十九分之二十六為

強率十七分之九為弱率於強弱之除以求日

法承天日法七百五十二得一十五強一弱自

後沿革者莫不同承天法累強弱之數皆不悞

日月有自然合象之數今稍誤其失定新曆以

三萬九千為日法六百二十四萬為歲廿九十

五百為半分二萬六千九百九十三為朔餘可以上

稽於古下驗於今反覆推求若應繩準又以二
百三十萬一千為月行之數月行十三度之餘
以一百六十萬四百十七為日行之餘日行
周天之餘乃會日月之行以盈不足平之并盈
不足是為一朔之法月法也 名元法今乃以大
月乘不足之數以小月乘盈行之分平而并之
是為一朔之實周天分也以法約定得日月相
會之數皆以示數約之悉得今月之數盈為朔

度不足為初餘又二法相乘為本母各母互乘
以減周天餘則歲差生焉亦以并數約之即得
歲差度也周天實用之數此之一法理極幽眇
所謂反復相求潛遁相通數有冥符法有偶會
古曆家皆所未達以并數約之得三萬九千為
元法九千五百為年分三萬六千九百十三為朔
餘六百二十四萬為日度母二十二億七千七
百二十萬四千十七為周天分八萬四千四百十七

為歲差歲餘九千五百

古曆日平分古者以周

天三百六十五度四分度之一是為平分天象

正於中上稽往古下驗當時反覆參求合符應

準然後施行于百代為不易之術自後治曆者

則今冬至日辰月校古法過盈以萬為母誤詣

氣分率二千五百以下二千四百二十八已上

為中平之率新曆斗分九千五百以萬平之得

二千四百二十五率盈得中平之數也而三萬

九千年冬至小餘成九千五百日滿朔定一百
一十五萬一千六百九十三年齊于日分而氣
朔相會歲周一千四百二十四萬四千五百以
日元法乘三百六十五度內半分九千五百得
之即為一歲之日分故曰歲周若以二十四均
之得一十五日餘八千五百二十秒一十五為
一氣之策也朔實一百一十五萬一千六百九
十三本會日月之行以盈不足平而得二萬六

百九十三是為朔餘是則四象全策之餘也今
以元法乘四象全策二十九總而并之是為一
朔之實也古曆以百萬平朔餘之分得五十三
萬六千以下五百七十以上是為中平之率新
曆以一百萬平之得五十三萬五千八百十九得
中平之數也若以四象均之得七百餘一萬四
千九百二十三秒是為於策也中盈朔虛分周
餘附
日月以會朔為止氣序以平建為中是故

義進而立分存焉置中節兩氣之策以一月之
全策三十減之每至中氣即一萬七千四十秒
十二是為中氣分節進而虛分列焉置一月之
全策三十以朔策及餘減之餘一萬八千三百
七是為朔虛分餘中且朔虛分而間餘章焉間
餘三萬五千三百四十五秒一十三從消息而
自致以應虛明焉紀法六十易乾象之九九坤
象之六六震坎艮象之六皆七巽離兌象之六

皆八餘八卦之數凡六十又六旬之數也紀者
終也數終之卦故以紀名焉

天正冬至大餘五十七小餘一萬七千先測立

冬晷景故求測立春晷景求近者通記年之為

距至訖日乃以晷數相減餘者以法乘之滿其

日晷差而一為差刻乃以差刻求冬至視其前

晷多則為減少則為加求夏至方反之加減距

至訖日為定日仍加半日之刻命從前距日辰

算外即二三加時辰及刻分所在如此推求則
加時與日晷相協今須積歲四百一年治平元
年甲辰歲氣積年也則冬至大小餘與今通會
天正經朔大餘三十四小餘三萬一千閏餘八
十八萬三千九百九十此乃檢指日月交食加
時早晚而定之損益在夜半後得戊戌之日以
方程約而齊之今須積歲七十一萬一千七百
六十一治平元年甲辰歲朔積年也則經朔大

小餘與今有之數皆閏餘而相會日度歲差八
萬四百四十七書舉正南之星以止四方蓋先
王以明時授人奉天育物然先儒所述互有同
異虞喜云堯時冬至日短星昴今二千七百餘
年乃東壁中則知每歲漸星之至又何承天云
堯與日永星火以正仲夏宵中星虛以正仲秋
今以中星校之所差二十七度即堯時冬至
日在須女十度故祖冲之脩大明曆始三歲差

率四十五年凡月却一度虞廩劉孝孫奇因之
各有增損以創新法若從虞喜之驗昴中則五
十餘年日退一度若依承天之驗火中又不及
百年日退一度後星極經兩曆之率而要取其
中故七十五年而退一度此乃通其意未盡其
微今用別調新率改立歲差大率七十七年七
月日退一度上元命於震九可以上度注古下
遷於今自帝堯以來循環考驗新曆歲差皆得

其中最爲親近周天分二十二億七千九百二
十萬四百四十七本年日月之行會合朔而得
之在誦日法使上考仲夏之宿之天下驗姜岌
司食之衡三十年間君應準繩則新曆周天有
自然寒暑之氣氣爲密近日經盈縮定是張曹
古名損益卒白盈縮數則孝孫以盈縮數爲肚
胸積皇極有降降率遲疾數麟德曰先從盈縮
大衍曰損益盈縮積崇天曰損益盈縮積而相

古曆之所之日而月或朝觀東方夕見西方則
史官謂之朏晦今以日計之所獲疾皆損益之
或遲是月日以爲定時則舒亟之度乃夢數便
然非失改之數也新曆以七十一爲五綸之極
其數終日數相錯而損益通縮爲名則文簡而
義見升降公皇極謹象有涉降率氣德以日景
星降降率日景消息爲之義通氣漏夫南至
之後曰行漸降昇去近故數短而萬物皆感此

至之後日行漸停去極遠故晷長而萬物寢寐
自大衍以下皆從歸德今府消息日行之象升
降積而為盈縮焉赤道宿漢百二年議造曆乃
定東西五晷儀下漏刻以追二十八宿相距於
四方赤道宿度則其法也其赤道斗二十六度
及分牛八度女十二度虛十二度危十七度室
十六度壁九度奎十六度婁十二度胃十四度
昂十一度畢十一度觜二度參九度井三十三

度鬼四度枰十三度星七度張十八度翼十八
度軫十七度角十二度亢九度氏十五度房五
度心五度尾十八度箕十一度自後相承相之
至唐初李淳風造渾儀亦無所改開元中淳風
一併作大渾曆詔梁令瓚作黃道渾儀則知畢
宿參入與鬼四宿赤道宿度與舊不同畢十七
度宿一度參十度鬼三度自一併之後因相沿
襲下更五代無所增損至宋仁宗皇祐始有詔

造黃道渾儀鑄銅為之自辰測驗赤道宿度又
一十四宿與一行所測不同斗二十五度半七
度女十一度危十六度室十七度胃十五度畢
十八度井三十四度鬼二度柳十四度戌十六
度心六度尾十九度箕十度益古今之人以八
尺圓器欲以尽天數決知其數矣人况圖本所
指距星傳習有差故今赤道宿度與古不同自
漢太初後至唐開元治曆之初凡八百年間悉

無更易今雖測驗與舊不同亦歲月未久新曆
兩備其數如淳風從舊之意

月度轉分洪範傳曰晦而月見西方謂之朏月
未合朔在日後今在日前大疾也朏者人君舒
緩臣下驕盈專權之象朔而月見東方謂之側
匿合朔則月與日合今在日後太遲也側匿者
人君嚴急臣下危殆恐懼之象盈則進縮則退
離躔九道周合三旬考其變行自有常數傳稱

人君有舒疾之變未達月有遲速之常之後漢
劉洪粗通其旨爾後治曆者多循舊法皆考遲
疾之分增損平會之朔得月後定追及日之際
而生定朔爲至於加時早晚或速或遲皆由轉
分強弱所致舊曆課轉分以九分之五爲強率
一百一分之五十六爲弱率乃於強弱之際而
求秒焉新曆轉分二百九十八億八千二百二
十四萬二千二百五十一以一百萬平之得二

十七日五十五萬四千六百二十六竅得中平
之數舊曆置日餘而求朏朧之數乘次不倫今
從其度而遲疾有漸用之課驗稍符天度轉度
母轉法會同附本以朔分并周天是為魯周一
朔之月常度也各用本母去其朔差為轉終朔
差萬終外之類也各以等數約之即得實用之
數乃以等數約本母為轉度母亦數也又以等
數約月分為轉法亦名轉日法也以轉法約轉

終得轉日及餘本曆朔立此數皆古曆所未有
約得八十一萬一一二萬為轉度母二百九十
八億八千二百二十四萬二千二百五十一
為轉終分三百二十億二千五百一十二萬九
千二百五十一為昏目一十億八千四百四十
七萬千三百三十一為轉法二十一億四千二百八十八
百七十為朔差

月離遲疾定差望極有加減限肚胸積麟德曰

增減率遲疾積大衍曰損益率拙物積崇天亦
曰損益率拙物積所謂日不及平行則損之過
平行則益之從陽之義也月不及平行則益之
過平行則損之御陰之道也陰陽相錯可以知
合食加時之早晚也

進朔之法與於麟德自後諸曆因而主法在有
不同假令仲夏月朔月行極疾之時合朔當於
亥正若不進朔則晨而月見東方若從大衍當

成初進朔則朔日之夕月生於西方新歷察朔
日之餘驗月行徐疾變立法率參驗加時常視
定朔小餘秋分後四分法之三已上者進一日
春分後定朔晨分差如春分之日者三約之以
減四分之二定朔小餘如此數已上者亦進以
來日為朔俾循環合度月不見於朔晨交會無
差明必歲於朝夕加時在於午中則晦日之晨
同二日之夕皆合月見加時在於酉中則晦日

之晨尚見二日之夕未生加時在於子中則時
日之晨不見二日之夕以生定晦朔乃月見之
晨夕可知課小餘則加時之早晏無失使坦然
不惑觸類而明之

消息數因漏刻立名義通晷景麟德差曰屈伸
率夫晝夜者易進退之象也冬至一陽爻生而
晷道漸升夜漏益減象君子之道長故曰息夏
至一陰爻生而晷道漸降夜漏益增象君子之

道消故曰消表景與陽為衝從晦者也故與夜
漏長短今以屈伸象太陰之行而刻差曰消息
數黃道去極日行消南北故晷漏有長短然景
差徐疾不同者勾股使之然也景直晷中則差
遲與晷數齊則差急隨北極高下所過不同其
黃道去極度數與日景漏刻晷脫中星反覆相
求消息用率步日景而稽黃道因黃道而生漏
刻而正中星四衍旋相為中以合九服之變約

而易知簡而易從

六十四卦十二月卦出於孟氏七十二候原於
周書後宋景業因劉洪傳卦李淳風援舊曆元
圖皆未覩陰陽之頭至開元中浮屠一行考楊
子雲太玄經錯綜其數索隱周公三統經正時
訓參在其變通著在文象非深達於易象孰能
造於此乎今之所脩循一行舊義至於周策分
率隨數遷變夫六十卦直常度全次之交者諸

侯卦也竟六日三千四百八十六秒而大夫受
之次九卿受之次天子受之五六相錯復愒常
月之次凡九三應上九則天微然以靜六三應
上六則地鬱然而定九三應上六即溫六三應
上九即寒上交陽者風陰者雨各視所直之爻
潔不刊之象而知五美與君辟之得失適與不
及焉七十二候李業興以來迄於麟德凡七家
曆皆以鷄始乳為立春初候東風解凍為次候

其餘以次求之與周書相校二十餘日舛訛益甚而一行政從古義今亦以周書為正

岳臺日晷岳臺者今京師岳臺坊地曰浚儀近古候景之所尚書洛誥稱東土是也禮玉人職土圭長尺有五寸以敘日此即日有常数也司徒職以土正日晷日至之景尺有五寸謂之地中此即是地土中敘日景與土圭等然表長八尺見於周髀天有常運地有常中曆有正象

表有定數言日至者明其日至此也景尺有五寸與圭等者是其景晷之真效然夏至之日乃有尺五寸之景不因八尺之表將何以得乎故經之見夏至日景者明表有定數也新曆周歲中晷長短皆以八尺之表測候所得名中晷常數

交會日月成象於天以辯尊卑之序日居道也月居道也適食之變皆與人事相應若人君降

德以讓之則或當食而不食故太陰有變行以
避日則不食五星潛在日下為太陰禦侮而扶
救則不食涉交數淺或在陽曆日光著盛陰氣
衰微則不食德之休明而有小青焉天為之隱
是以光微蔽之雖交而不見食此四者皆德感
之所歸致之按大衍曆議開元十二年七月戊
午朔當食時自交趾至朔方同日度景測候之
際晶明無雲而不食以歷推之其日入交七百

八十四分當食八分半十三年天正南至東封
禮畢還次梁宋史官言十二月庚戌朔當食帝
曰予方修先后之職謫見於天是朕之不敏無
以對揚上帝之休也於是徹膳素服以俟之而
卒不食在位之臣莫不稱慶以謂德之動天不
俟終日以曆推之是月入交二度弱當食十五
分十三而陽光自若無纖毫之變雖筭術卑
舛不宜若是凡治曆之道定分數微故損益毫

隆未得其正則上考春秋以來日月交食之載
必有所差假令治曆者因開元二食變交限以
從之則所協甚少而差失過多由此明之詩云
此日而微乃非天之常數之舊曆直求月行入
交今則先謀交初所在然後與月行更相表裏
務通精數四正食差正交如累壁漸減則有差
在內食分多在外食分少交淺則間遙交深則
相薄所觀之地又偏所食之時亦別苟非地中

皆隨所在而漸異揔交分正等同在南方冬食則多夏食乃少假均冬夏早晚又殊處南辰則高居東西則下視有斜正理不可均月在陽曆檢驗古今交食所虧不過其半合置四正食差則斜正於卯酉之間損益於子午之位務從親密以考精微

五星立率五星之行亦因日而立率以示尊卑之義日周四時無所不照居道也星分行列宿

臣道之陰陽進退於此取儀刑焉是以當陽而
進當陰而退皆得其常故加減之古之推步悉
皆順行至秦方有金火逆數大衍曰木星之行
與諸星稍異商周之際率一百二十年而起一
次至戰國之時其行復急速中平之後八十四
年而起一次自此之後以爲當率其行之初與
日合一十八日行四度乃晨見東方而順行一
百八日計行二十二度強而留二十七日乃退

行四十六日半退行五度強與日相望旋日而
退又四十六日半退五度強復留二十九日而
順行一百八日行十八度強乃夕復西方十又
八日行四度復與合

火星之行與日合七十日行五十二度乃晨
見東方而順行二百八十日計行二百一十六
度半弱而留十一日乃退行二十九日退九度
與日相望旋日而退又二十九日退九度復留

十一日而順行二百八十日行一百六十四度
半弱而夕伏西方又八日十行五十二度復與
日合

土星之行初與日合二十一日行二度半乃晨
見東方順行八十四日計行九度半強而留三
十五日乃退行四十九日退三度半與日相望
乃旋日而退又四十九日退三度少復留三十
五日又順行八十四日行七度強而夕伏西方

又二十一日行二度半復與日合

金星之行初與日合三十八日半行四十九度
大而夕見西方乃順行二百三十一日計行二
百五十一度半而留七日乃退行九日退四度
半而夕伏西方又六日半退四度太與日再合
又六日半退四度太而晨見東方又退九日逆
行四度半而復留七日而復順行二百三十一
日行二百五十一度半乃晨伏東方又三十八

日半行四十九度太復與日會

水星之行初與日合十五日行三十三度乃夕
見西方而順行三十日計行六十六度而留三
日乃夕依西方而退十日退八度與日再合又
退十日退八度乃晨見東方而復留三日又順
行三十三日行三十三度而晨伏東方又十五
日行三十三度與日復會

星行盈縮五星差行惟火尤甚乃有南侵狼坐

北入匏瓜變化起越獨異於常是以日行之分
自有盈縮此乃天度廣狹不等氣序升降有差
致今升降之分積為盈縮之數此五星入氣加
減與於張子信以後各自增損以求親密而開
元曆別為四象六爻均以進退今則別立盈縮
與舊異

五星見伏皆以日度為規日度之運既進退不
常星行之差亦隨而增損是以五星見伏先考

日度之行今則審日行盈縮完星躔進退五星
見伏率皆密近

周琮曰古今之曆必有術過於前人而可以為
萬世之法者乃為據之若一行為大衍曆議及
略例校正歷世以求曆法強弱為曆家體要得
中平之數劉焯悟日行有盈縮之差李淳風悟
定朔之法并氣朔閏餘皆同一術張子信悟月
行有交道表裏五星有八氣加減宋何承天始

悟測景以定序三日晉姜岌始悟以月食所衝
之宿爲日所在之度後漢劉洪作乾象曆始悟
月行有遲疾數宋祖冲之始悟歲差書元典曰
日短星昴以正仲冬宵中星虛以殷仲秋至今
千三餘年中星所差三十餘度則知每歲月漸
差之數造大明曆率四十五年九月而退差一
度唐徐昇作宣明曆悟日食有氣刻差數明天
曆悟日月會合爲朔所立日法積年有自然之

數及立法推求晷景知氣節加時所在蓋後之
造曆者莫不遵用焉其疎謬之甚者即苗守信
之乾元曆馬重績之調元曆郭紹之五紀曆之
大槩無出於此矣然造曆者皆須會日月之行
以為晦朔之數驗春秋日食以明強弱其於氣
序則取驗於傳之南至其日行盈縮月行遲疾
五星加減二曜食差日宿月離中星晷景立數
立法悉本之於前語然後較驗驗自夏仲康五

年九月辰弗集於房以至於今其星辰氣朔日月交食等使三十年間若應準繩而有前有後有親有疎者即為中平之數乃可施於後世其較驗則依可孫思恭取數多而不以小得為親密較日月交食若一分二刻以下為親二分四刻以下為近三分五刻以上為遠以曆注有食而天驗無食或天驗有食而曆注無食者為天其較星度則以差天二度以下為親三度以下

為近四度以上為遠其較容景尺寸以二分以
下為親三分以下為近四分以上為遠若較古
而得數多又近於今兼立法立數得其理而通
於古者為最也琮自謂善曆嘗曰世之知曆者
少近世獨孫思恭為妙而思恭又嘗推劉義叟
為知曆焉

淳熙議

會稽石萬言淳熙曆立元非是氣朔多差不與

天合按淳熙十四年曆清明夏至處暑立秋四
氣及正月望二月十二月下弦六月八月上弦
十月朔並差一日如卦候盈虛沒減五行用事
亦各隨氣朔而差南渡以來渾儀草創不合制
度無圭表以測日景長短無機漏以定交食加
時設欲考正其差而太史局官尚如去年測驗
太陰虧食自一更一點還先一分之後或一點
還先二分或一點還先三分以上或一點還先

三分以下使更點乍疾乍徐隨景走并以肆欺
蔽若依晉泰始隋開皇唐開元課曆故事取淳
熙曆與禹所造之曆各推而上之於千百世之
上以求交食與夫歲月日星辰之著見於經史
者為合於否然後推而下之以定氣朔則與前
古不合者為差合者為不差甚易見也然其差
謬非獨此耳冬至日行極南黃道出赤道二十
四度晝極短故四十刻夜極長故六十刻夏至

日行極北黃道入赤道二十四度晝極長故六十刻夜極短故四十刻春秋二分黃赤二道平而晝夜等故各五十刻此地中古今不易之法也至王晉重定刻漏又有南北分野冬夏晝夜長短三刻之差今淳熙曆皆不然冬至晝四十一刻極短夜六十刻極長乃在大雪前二日所差一氣以上自冬至以後晝當漸長夜當漸短今過小寒晝猶四十刻夜猶六十刻所差八日有

餘夏至晝六十刻極長夜四十刻極短乃在芒
種之前一日所差亦一氣以上自夏至之後晝
當漸短夜當漸長今過小暑晝猶六十刻夜猶
四十刻所差亦一日有餘及晝夜各五十刻又
不在春分秋分之下至於日之出入視之以
為晝夜長短有漸不可得而急與遲也急與遲
則為變今日之出入增減一刻近或五日遠或
三四十日而一急一遲與日行常度無一合者

請考正淳熙曆法之差俾之上不違於天時下
不乖於人事送秘書禮部詳之皇甫繼明等言
石萬所撰五星再聚曆乃用一萬三千五百為
日法特竊取唐末崇元舊曆而婉其名爾淳熙
曆立法年疏丙午歲定望在十七日太史知其
為不可遂注望於十六日下以掩其過今考淳
熙曆經則又差於將來戊申歲十一月下弦在
二十四日太史局官必俟頒曆之際又將妄退

於二十三日矣法不足恃必假遷就而朔望二
弦曆法紀綱爲失其一則五星盈縮日月交會
與夫昏旦之中星晝夜之晷刻皆不可得而正
也渾儀景表壺漏之器臣等私家無之是以曆
之成書猶有所待國朝以來必假朔局而曆始
成請置局以更曆六月給事中王信以爲曆法
深奧若非詳加測驗無以見其疏密乞令繼明
興萬谷造來年一歲之曆取其無差者詔從之

十二月進所造曆萬曆與淳熙十五年曆差二朔淳熙曆十一月下則所失多矣乃命侍郎章森等參定以十五年六月二日十月晦日月不應見而見為驗兼論淳熙曆下弦不合在十一月二十四日是日遣禮部侍郎尤袤與森監視六月二日森奏是夜月明至一更二點入濁十月晦袤奏晨前月見東方孝宗問諸家孰為疏密周必大等奏三人各定二十九日早月體尚

存一分獨忠輔萬謂既有月體不應小盡孝宗
曰十一月亥朔在申時是以二十九日尚存月
體耳十六年丞郎郎趙渙言曆象入法及淳熙
曆八歲冬至并十二月望月食皆後天一辰詔
禮部侍郎李燾等測驗紹熙元年八月詔更造
會元曆

會元曆議

紹熙四年布衣王孝禮言今年十一月冬至日

景表當在十九日壬午會元曆在二十日癸未
係差一日崇天曆癸未日冬至加時在酉初七
十六分紀元曆丑初一刻六十七分統元曆在
丑初二刻二分會元曆在丑初一刻三百四十
分迄今八十有七年常在丑初一刻不減而久
增崇天曆建天聖二年造紀元曆崇寧五年造
計八十二年是時測景驗氣知冬至後天乃減
六十七刻半方與天道協其後陳得一造統元

曆劉孝榮造乾道淳熙會元三曆未嘗測景莫
識其差之遠太史以銅表測驗朝廷從之未暇
改作

開禧議

開禧三年大理評事鮑澣之言曆者天地之大
紀聖人所以範象明時倚數立法以前民用而
詔云來者自黃帝以來主於秦漢六曆其存其
法簡易同出一術既久而與天道不相符合於

是太初三統之法相繼改作而推步之術愈見
濶疏是以劉洪祖冲之減破斗分追求月道難
測之法始加詳焉至於李淳風一行摠氣朔而
合法效乾坤而擬數演算之法始加備焉故後
世之論曆轉為精密此非過於古人蓋積習考
驗而得之者審也試以近法言之自唐麟德開
元而至於五代所作者宋初應天而至於淳熙
會元所更者十二書無非推求上元開闢為演

紀之首氣朔同元而七政會於初度從此推步
以爲曆本未嘗敢輒爲截法而立加減數於其
間也獨石晉天福間馬重績更造調元曆不復
推古上元甲子七曜之會施於當時五年輒差
遂下可用識者咎之今自慶元三年以來測驗
氣景見舊曆後天十一刻改造統天進曆未幾
而推測日食已不驗此猶可止但其歷書演紀
之始起於唐堯二百餘年非開闢之端也氣朔

五星皆立虛加虛減之數氣朔積分乃有泛積
定積之繁以外筭而加朔餘以距筭而加轉率
無復強弱之法盡廢方程之舊其餘差漏不可
備言以是而為術乃民間之小曆而非朝廷頒
正朔授民時之書也於是開禧新曆議論始定
詔以戊辰年推附統天曆頒之

雜議

曆之差駭於日食蓋器久必弊數久必差也古人謂三百年斗曆改憲豈曆之改必三百年也漢曆四變而太初最密不百餘年而差矣四分減之乾象增之皆不能定其分也唐曆十三變而大衍最密不半太初之年而差矣繼大衍者不通擬圖寫分皆不能易其法也大衍之法後不能易惟王朴則斬然自立一家繼失追急而

不緩亦難矣且曆起於斗度而疎密多寡悉皆
不齊冬至之日曆之所生之或以為在斗或以
為在建或以為在牽牛或以為在女宿不知歲
差之故也曆之差差於日食而晉唐之間凡日
之有食若聚訟然訖無中者則晦朔之間朧朧
之微孰從而正哉宋曆凡十餘變造曆雖成主
上以授時在機衡為先務猶懼有差今侍臣復
驗之甚盛舉也仁宗時以崇天曆而較之麟德

曆大分餘者三十有奇小分餘者八十有奇今日之曆將縮之將衍之耶諸君其推之以易證之以律明之以春秋而裁之以太元是可以定今日之曆本矣曆法當運乎天而不當為天之所運蓋天運無常日月星辰積氣皆動物也其行度遲速或過不及自是不齊使裁之法能運乎天而不為天之所運則其疎密遲速或過不及之間不出乎我此虛寬之大數雖有差忒皆

可推而不失矣何者以我法之有定而律彼之
無定自無差也

古今曆法疎密之差或云古人曆法疎濶而差
少今之曆法愈密而愈差以界限愈密則差數
愈遠也其說誤矣蓋是數雖細密而其法未精
密也

或云堯舜以來歷至漢都喪失不可攷如今緣
是造大總紀不正所以都無是處康節曆十二

萬九千六百分其分數多故密今曆家只用萬分已是多矣如何肯用十二萬分此蓋不知曆精於後世古曆無喪失其法之疎密又不在於分數之多寡也

曆家算數之法天之外無窮而其中央空處有限天左旋而星拱極仰觀可見四遊之說則未可知然曆家之說乃以算數得之非鑿空而言也若果有之亦與左旋拱北之說不相妨如虛

空中一圓越自內而觀之其坐向不同而常左
旋自外而觀之則又一面四遊以薄四表而止
也

邊韶曰數出於抄忽以成毫厘毫厘積以成方
寸兩離既定日月離行初行生分積分成度日
行一度一歲而周故為法者各立度法法有疎
密兩科其歸一也斯言可類通矣。

元不曾推得天運自有定數只是旋將曆去合

那天之行不及則添些過則減些移來轉去合天之運行所以當年合得不差一二年後則又便差如唐一行大衍曆當最為精密一二年後亦便差也

曆不可執一善言曆者當因天以求合不善言曆者為合以驗天而已善言曆者有三說一曰氣二曰象三曰數不善言曆者數而已蓋數可以類推日月星辰之行有象而見於上四時寒

暑之氣無形而運於下二者皆動物也其可執
其一定之數以驗其運行而不息者乎故清臺
之候乃曆象之元龜之一畧度之差吾志夫一
星辰之動吾著焉旦旦而求之步其前者推其
後來而毫髮無遺奚柰之何預為合以驗天而
執其一定以驗二者之常動此漢唐以來治曆
者無慮數十家其始未嘗不密而後未嘗不疎
者豈非以此歟所貴乎治曆明時之君子正以

隨時通變也革象言治曆明時蓋曆久必差不
可不改革耳或以革卦第四十九合大衍之數
者附會之謬也